

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 2112727468, 2112741973, 2112822291 որոշումներն անփոփոխ, իսկ վարչական բողոքը՝ դրանց վերաբերող մասով առանց բավարարման թողնելու, իսկ թիվ 2112740099, 2112735368, 2112750647, 2112771535, 2112798223, 2112821229 որոշումները բեկանելու և վարչական իրավախախտման վերաբերյալ գործերի վարույթները կարճելու մասին

<<09>> 07 2021թ. 7-13- 10494

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Անդրանիկ Պետրոսյանի ՄԴ/48872-21 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Անդրանիկ Պետրոսյանը (ծանուցման հասցե՝ ք.Երևան, Մալաթիա-Սեբաստիա վարչական շրջան, Շերամի փողոց, 59 շենք, 70 բնակարան) դիմումով խնդրել է բեկանել Ճանապարհային ոստիկանության վարչական տույժ նշանակելու մասին թիվ 2112727468, 2112741973, 2112822291, 2112740099, 2112735368, 2112750647, 2112771535, 2112798223, 2112821229 որոշումները՝ հայտնելով իր անհամաձայնությունը կայացված որոշումների կապակցությամբ:

Դիմումի քննարկման արդյունքում պարզվել է, որ դիմումատուի խնդրանքը ենթակա է մասնակի բավարարման հետևյալ պատճառաբանությամբ.

<<Վարչարարության հիմունքների և վարչական վարույթի մասին>> օրենքի 37-րդ հոդվածի 1-ին մասի համաձայն՝ վարչական մարմինը պարտավոր է ապահովել փաստական հանգամանքների բազմակողմանի, լրիվ և օբյեկտիվ քննարկումը՝ բացահայտելով գործի բոլոր, այդ թվում՝ վարույթի մասնակիցների օգտին առկա հանգամանքները:

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած **տեսանյութն է կամ լուսանկարը**, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները: Նույն օրենքի 6-րդ հոդվածի 2-րդ մասի համաձայն՝ իրավախախտման հատկանիշները համարվում

են պարզված, երբ տեսանյութում կամ լուսանկարում ամրագրված արարքի հատկանիշների և իրավախախտման հատկանիշների համապատասխանությունը կասկած չի հարուցում, իսկ կասկածի դեպքում մեկնաբանվում է հոգուտ անձի :

ՀՀ կառավարության ՀՀ ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ. թիվ 955-Ն որոշման համաձայն՝ **3.27՝ Հանգառն արգելվում է>> ճանապարհային նշանն արգելում է տրանսպորտային միջոցների կանգառն ու կայանումը.**

Նույն որոշման համաձայն՝ 3.16, 3.20, 3.22, 3.24, 3.26, 3.27, 3.28, 3.29 և 3.30 նշանների ազդեցությունը տարածվում է՝ նշանի տեղադրման տեղից մինչև դրանից հետո գտնվող մոտակա խաչմերուկը, իսկ բնակավայրերում, խաչմերուկի բացակայության դեպքում, մինչև բնակավայրի վերջը: Նշանների ազդեցությունը չի ընդհատվում հետադարձի և բաժանարար գոտու խզման, ինչպես նաև ճանապարհներին մերձակա տարածքներից ելքի և դաշտային, անտառային և այլ երկրորդական ճանապարհների հատման (հարման) տեղերում, եթե դրանցից առաջ համապատասխան նշաններ տեղադրված չեն:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասի համաձայն՝ տրանսպորտային միջոցների վարորդների կողմից ճանապարհային նշանների կամ ճանապարհային գծանշումների պահանջները չկատարելը՝ առաջացնում է տուգանքի նշանակում՝ սահմանված նվազագույն աշխատավարձի հնգապատիկի չափով:

Ճանապարհային ոստիկանության վարչական տույժ նշանակելու մասին թիվ 2112727468 որոշմանը կից տեսանյութի ուսումնասիրության արդյունքում պարզ դարձավ, որ դիմումատուի կողմից վարժ տրանսպորտային միջոցը 30.04.2021թ. -ին ժամը 13:05-ին Երևան քաղաքի Աբովյան – Պուշկին փողոցների խաչմերուկի հատվածում՝ մասնավորապես իրավախախտումն արձանագրված վայրում՝ **կանգառ է կատարել 3.27՝ Հանգառն արգելվում է>> ճանապարհային նշանի ազդման գոտում:**

Վարչական իրավախախտումների վերաբերյալ ՀՀ օրենսգրքի 124-րդ հոդվածի 36-րդ մասի համաձայն՝ ճանապարհային նշանների պահանջները չկատարելու համար սույն հոդվածի 1-ին մասով նախատեսված վարչական իրավախախտումն ունի նվազ նշանակություն այն դեպքում, երբ իրավախախտումն անխուսափելիորեն կատարվել է երթևեկության այլ մասնակցի գործողության կամ անգործության պատճառով:

ՀՀ ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը հաստատելու մասին>> 28.06.2007թ. թիվ 955-Ն որոշման համաձայն 1.4՝ **դեղին հոծ գիծ գծանշումը ցույց է տալիս այն տեղերը, որտեղ կանգառը և կայանումն արգելված են: Կիրառվում է ինքնուրույն կամ 3.27՝ «Հանգառն արգելված է» նշանի հետ և գծվում է երթևեկելի մասի եզրի մոտ (եզրային գծի առկայության դեպքում՝ դրա փոխարեն) կամ եզրաքարի վերին մակերեսին:**

Ճանապարհային ոստիկանության վարչական տույժ նշանակելու մասին թիվ 2112741973 որոշմանը կից տեսանյութի ուսումնասիրության արդյունքում պարզ դարձավ, որ

դիմումատուի կողմից վարած տրանսպորտային միջոցը 03.05.2021թ. ժամը 11:35-ին Երևան քաղաքի Աբովյան – Պուշկին փողոցների խաչմերուկի հատվածում՝ մասնավորապես իրավախախտումն արձանագրված վայրում կանգառ է կատարել **1.4՝ դեղին հոծ գիծ գծանշման ազդման գոտում**:

ՀՀ կառավարության ՀՀ Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին» 28.06.2007թ. թիվ 955-Ն որոշման 84-րդ կետի 6-րդ ենթակետի համաձայն՝ կանգառն արգելվում է խաչմերուկներում, **երթևեկելի մասերի հատման վրա և հատվող երթևեկելի մասի եզրից 5 մ պակաս վայրում**՝ բացառությամբ երթևեկելի մասերի եռակողմ հատման հոծ գծով կամ բաժանարար գոտիով առանձնացված կողմի վրա (շարունակություն չունեցող կողմի դիմաց):

Վարչական իրավախախտումների վերաբերյալ ՀՀ օրենսգրքի 124-րդ հոդվածի 21-րդ մասի համաձայն՝ տրանսպորտային միջոցների վարորդների կողմից կանգառի և (կամ) կայանման կանոնները խախտելը առաջացնում է տուգանքի նշանակում՝ սահմանված նվազագույն աշխատավարձի հնգապատիկի չափով, տուգանային միավորի կիրառում՝ 0.5 միավոր:

Ճանապարհային ոստիկանության վարչական տույժ նշանակելու մասին թիվ 2112822291 որոշմանը կից տեսանյութի ուսումնասիրությունն ակնհայտ է դարձնում այն փաստը, որ դիմումատուի վարած տրանսպորտային միջոցը 18.05.2021թ.-ին ժամը 16:24:37-րդ վայրկյանից 16:25:51-րդ վայրկյանը ներառյալ, 74 վայրկյան տևողությամբ, կանգառ է կատարել Երևան քաղաքի Տերյան - Պուշկին փողոցների խաչմերուկի հատվածում՝ մասնավորապես իրավախախտումն արձանագրված վայրում երթևեկելի մասերի հատման վրա:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 39-րդ մասի համաձայն՝ սույն հոդվածի 21-րդ և 25-րդ մասերով (միայն կանգառ կատարելու մասով) նախատեսված վարչական իրավախախտումն ունի նվազ նշանակություն այն դեպքում, երբ կանգառը կատարվել է **միայն ուղևորների նստելու կամ իջնելու նպատակով, չի գերազանցել մեկ րոպե ժամանակահատվածը, և դրա հետևանքով երթևեկության մյուս մասնակիցների համար խոչընդոտ կամ վթարային իրադրություն առաջացնելու ակնհայտ վտանգ չի ստեղծվել**:

Ճանապարհային ոստիկանության վարչական տույժ նշանակելու մասին թիվ 2112740099, 2112735368, 2112750647, 2112771535, 2112798223, 2112821229 որոշումներով արձանագրված իրավախախտումներն ամրագրած տեսանյութերի լրացուցիչ ուսումնասիրության արդյունքում իրավախախտումների փաստի առկայությունը համարվել է կասկածելի (**թերի տեսանյութ**):

Այսպիսով, Ճանապարհային ոստիկանության վարչական տույժ նշանակելու մասին թիվ 2112740099, 2112735368, 2112750647, 2112771535, 2112798223, 2112821229 որոշումներն ենթակա են բեկանման, իսկ թիվ 2112727468, 2112741973, 2112822291 որոշումներն ենթակա են կատարման:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին մասի 1-ին կետով և 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 2112727468, 2112741973, 2112822291 որոշումները թողնել անփոփոխ, իսկ վարչական բողոքը՝ դրանց վերաբերող մասով, առանց բավարարման:
2. Ճանապարհային ոստիկանության վարչական տույժ նշանակելու մասին թիվ 2112740099, 2112735368, 2112750647, 2112771535, 2112798223, 2112821229 որոշումները բեկանել և վարչական իրավախախտման վերաբերյալ գործերի վարույթները կարճել:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Անդրանիկ Պետրոսյանին:



Ե. Կարապետյան